

**ЗИЁЛИЛАР ТУРКИСТОН
ТАРАҚҚИЁТИНИ ЮКСАК
БАҲОЛАДИ**

2-бет

**ДАВРОНЖОН ҒОИПОВ –
УНИВЕРСИТЕТ
РЕКТОРИ**

5-бет

**• Сиз нима дейсиз?
КЕКСАЛАРНИНГ
ҚАЛБИНИ ТИНГЛАНГ!**

7-бет



Вилоят ижтимоий-сиёсий газетаси

Жанубий ҚОЗОҒИСТОН

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2021 йил 8 июль, пайшанба. №65 (2970).



ИСТИҚЛОЛ НУРИДАН МУНАВВАР ШАҲАР НУР-СУЛТАНДА ПОЙТАХТ КУНИ НИШОНЛАНДИ

1994 йилда Қозоғистон Республикаси Олий Кенгашида Қозоғистон Республикаси Президенти Нурсултан Назарбаев Қозоғистон пойтахтини Алматидан Ақмўлага кўчиришни таклиф қилди. 1997 йил 20 октябрда пойтахтни кўчириш тўғрисида Фармон имзоланди. 1998 йил 6 майда Ақмўла шаҳри Астана деб ўзгартирилди. 1998 йил 10 июнда янги пойтахтнинг халқаро тақдироти бўлиб ўтди. 2019 йил 20 мартда Қозоғистон Республикаси Президенти Қасим-Жўмарт Тўқаев Парламентнинг қўшма мажлисида нутқ сўзлади ва Тўнғич Президент номини абадийлаштириш мақсадида Астана номини Нур-Султан деб ўзгартиришни таклиф қилди.

«Биз, ҳозирги ва келажак авлодлар, Президентнинг сиёсий меросини ёдда сақлашимиз ва Нурсултан Назарбаевнинг тарихий фаолиятига эҳтиром билан қарашимиз керак. Биз Элбошининг халқимиз ва жаҳон ҳамжамиятига кўрсатган буюк хизматини доимо ёдда сақлашимиз керак. Бу халқимиз, айниқ-

са ёшлар тарихимизни эъзозлаши ва Тўнғич Президентнинг шонли фаолиятига адолатли баҳо бериши учун муҳимдир. Буюк замондошимиз, Қозоғистон Республикасининг Тўнғич Президенти Нурсултан Назарбаевнинг номини абадийлаштириш учун пойтахт унинг номи билан Нур-Султан деб аталиши керак. Бундай таклиф аввалроқ Қозоғистон Республикаси Мустақиллигининг 25 йиллиги муносабати билан 2016 йил 23 ноябрда Парламент аъзолари томонидан қабул қилинган декларацияда берилган эди», деди Президент Қасим-Жўмарт Тўқаев. Шу куни Қозоғистон Республикаси Парламенти палаталарининг қўшма мажлисида депутатлар Нур-Султан шаҳрининг номини ўзгартириш тўғрисида қонун қабул қилдилар. 2019 йил 23 мартда Қозоғистон Президенти Қасим-Жўмарт Тўқаев Қозоғистон Республикаси пойтахти – Астана шаҳри номини – Қозоғистон Республикасининг пойтахти – Нур-Султан шаҳри деб аташ тўғрисида Фармонни имзолади.

Ҳар йили пойтахт куни кенг нишон-

ланади. Аммо, афсуски, дунёвий коронавирус эпидемияси туфайли бу йил оммавий тадбирлар чекланди.

Шунингдек, Президент Қасим-Жўмарт Тўқаев Элбоши Нурсултан Назарбаев ҳайкалининг очилиш маросимида иштирок этди.

Президент рамзий тасмани қирқиб, нутқ сўзлади.

У ҳар йили Пойтахт куни арафасида шаҳар кўркига кўрк қўшадиган янги мажмуаларнинг очилаётгани, шу жумладан, Элбоши кутубхонаси, музейи барпо этилиб, унинг ёнида очилган истироҳат боғи шаҳарликларнинг севимли ҳордиқ масканига айланганини таъкидлади.

– Мустақиллигимизнинг 30 йиллиги доирасида бугун Элбоши Нурсултан Назарбаев шарафига ўрнатилган тарихий ёдгорликни очмоқдамиз, – деди давлатимиз раҳбари.

Казинформ маълумотлари асосида.



ТУРКИСТОНДА ЭЛБОШИ ҲАЙКАЛИ ҚАД РОСТЛАДИ

Туркистонда Қозоғистон Республикасининг Тўнғич Президенти – Элбоши Нурсултан Назарбаевга ҳайкал ўрнатилди. Ёдгорликнинг баландлиги – 4 метр, бронзадан ясалган. Ҳайкал муаллифи – Қозоғистонда хизмат кўрсатган арбоб, ҚР Рассомлар уюшмаси аъзоси Тилеуберди Бинаш.

Ёдгорлик Н. Назарбаевнинг далада тушган суратига қараб ишланган. Туркистон шаҳридаги маъмурий-тадбиркорлик марказига ўрнатилган ҳайкал «Буюк Дашт ўғли» деб номланган. Олисида Қоратов тизмаси гавдалантирилиб, Нурсултан Назарбаев бепоён экинзорга тикилиб турибди.

(Давоми 2-бетда.)



ЭҲТИЁТКОРЛИККА ДАВЪАТ

ТУРКИСТОН ВИЛОЯТИДА ЧЕКЛОВ ЧОРАЛАРИ КУЧАЙТИРИЛМОҚДА

Туркистон вилояти бош давлат санитар-шифокори томонидан минтақада карантин ва чеклов чораларини кучайтириш тўғрисида янги қарор чиқарилди.

Бош санитария шифокори коронавирус инфекцияси туфайли юзага келган эпидемиологик вазият барқарорлашгунга қадар Туркистон вилояти ҳудудида карантин ва чеклов чораларини кучайтиришга қарор қилди.

Энди минтақада оммавий тадбирлар: байрам, кўнгилочар маданий тадбирлар, конференция, семинар, байрам концертлари, оилавий тадбирларни ўтказиш тақиқланади. Ижтимоий масофани сақлаб, ниқоб тақиш талабларига қатъий риоя қилиниши шарт.

Кўнгилочар муассасаларнинг – тунги клублар, ўйин клублари, букмекерлар, болалар учун ёпиқ ўйин майдончалари, батут ва атт-

рационлар фаолияти тақиқланади.

«Ашиқ» лойиҳасида иштирок этмайдиган иншоотларни бошқариш, шунингдек, кўнгилочар тадбирларни ўтказиш – лойиҳада қатнашмайдиган жойларда марафонлар, кўргазмалар, томошабинлар иштирокида спорт тадбирларини ўтказиш тақиқланади.

65 ёшдан ошганлар, зарурат бўлмаса, ташқарига чиқиши тақиқланади.

Ушбу қарор имзоланган кундан эътиборан кучга кирди.

Вилоят минтақавий алоқалар хизмати.

ТУРКИСТОНДА ЭЛБОШИ ҲАЙКАЛИ ҚАД РОСТЛАДИ



(Давоми. Боши 1-бетда).

Тадбиркор Бўлатбек Алиевнинг Элбошига ҳайкал ўрнатиш ташаббусини туркистонлик фахрий-оқсоқоллар, зиёлилар, депутатлар, ишбилармонлар, жамоат ташкилоти вакиллари қўллаб-қувватлаган эдилар. Вилоят ҳокимига мурожаат қилган ҳамюрт-

ларимизнинг режаси Марказий давлат идоралари қўллови билан амалга ошди. Бундан ташқари, Туркистон шаҳри ҳокимлиги ташаббусга доир маҳаллий аҳоли орасида сўровнома юритган эди. Унда 1000 киши қатнашиб, 93 фоизи ташаббусни қўллаб-қувватлаган. Ҳомийнинг шахсий

маблағи эвазига қад ростлаган ёдгорликнинг тантанали очилиш маросимида Қозғистон халқ артисти, давлат ва жамоат арбоби Асанали Ашимов, “Фахрийлар ташкилоти” республика жамоат бирлашмаси раиси Ўмирзақ Ўзғанбаев, Қозғистон Миллий Фанлар академияси президенти, академик, химия фанлари доктори, профессор Мурат Журинов, Қозғистон Республикаси Герби муаллифи Жандарбек Малибеков, ёзувчи, халқаро “Алаш” адабий мукофоти лауреати, жамоат арбоби Кўпен Амирбек, Қозғистон Республикаси Парламент Мажлиси депутати Дархан Минбай, Туркистон вилоят “Фахрийлар уюшмаси” жамоат бирлашмаси раиси

Женисбек Мауленқулов иштирок этишди.

Тадбирда сўзга чиққан Ў. Ўзғанбаев тарихий воқеага гувоҳ бўлганлигидан мамнунлигини яширмади. – Вилоят аҳли, тадбиркорларнинг ташаббуси билан Туркистонда кўхна ва навқирон шаҳарнинг янги қиёфага эга бўлишида муҳим аҳамият касб этган, унинг тарихий мақомини қайтарган Нурсултан Абишули Назарбаевнинг ҳайкали очилди. Бу – мустақил давлат барпо этиб, унинг чегарасини мустаҳкамлаган, юрт тинчлиги ва осойишталигига асос солган Элбошига миннатдорчилик сифатида гавдаланди, – деди жамоат арбоби.

Вилоят ҳокимининг матбуот хизмати.



ЗИЁЛИЛАР ТУРКИСТОН ТАРАҚҚИЁТИНИ ЮКСАК БАҲОЛАДИ

Туркий оламнинг маънавий пойтахти – Туркистон шаҳрида давлат арбоблари, депутатлар ва зиёлилар учрашиб, қадимий шаҳарнинг тарихий жойларини томоша қилишди.

Қозғистон халқ артисти, давлат ва жамоат арбоби Асанали Ашимов, Қозғистон Республикаси давлат герби муаллифи Жандарбек Малибеков, “Фахрийлар уюшмаси” республика жамоат бирлашмаси раиси Ўмирзақ Ўзғанбаев, Қозғистон Миллий Фанлар академияси президенти, академик, профессор Мурат Журинов, Парламент Мажлиси депутати Дархан Минбай, ёзувчи, Туркистон вилоятининг фахрий фуқароси Мархабат Байғут, халқаро “Алаш” мукофоти лауреати Кўпен Амирбек, ҳайкалтарош Бинаш Тилеуберди дастлаб “Сапар маркази”да бўлиб, у ердаги экспонатлар билан танишишди ва Қозғистон тарихини намоён

этадиган видеофильми томоша қилдилар.

– Мен Кентовда улғайдим. У пайтдаги Туркистон билан ҳозиргисини таққослаб бўлмайди. Гўзаллашиб, тубдан ўзгариб кетибди. Муслмонлар учун иккинчи Макка ҳисобланадиган шаҳар эндиликда сайёҳлик соҳасида тараққий этишига шубҳа йўқ, – деди А. Ашимов. – Буларнинг барчаси Элбошининг хизмати. У Туркистонга алоҳида эътибор ва меҳр билан қарайди. Туркистон шаҳар фаоллари йиғилишида сўзлаган нутқида «Туркистонни юксак тараққий ва маданият шаҳрига айлантиришимиз керак», деган вазифани илгари сурди. Шаҳарни ҳар томонлама обод қилиш дастури ишлаб чиқилди. Сўнгги уч йилда Туркистон бутунлай янги қиёфага эга бўлди. Ҳар бир бино, йўл, кўприк лойиҳаси Тўнғич Президентимизнинг шахсан ташаббуси билан яра-

тилди ва шахсан ўзи бунёдкорлик ишларини назорат қилди, таклифлар берди. Нафақат Туркистонда, балки мамлакатимизнинг барча ҳудудларида тарихий бунёдкорликлар амалга оширилди. Президентимизнинг истеъдоди, халқаро миқёсдаги обрў-эътибори қайта-қайта эътироф этилмоқда. Хорижий оммавий ахборот воситаларида билдирилган фикрларнинг саноғига етиш қийин.

Шундан сўнг меҳмонлар Хожа Аҳмад Яссавий мақбарасини зиёрат қилишди. Янги қурилишларни кўздан кечирган мартабали меҳмонлар маъмурий-тадбиркорлик марказида қад ростлаган “Буюк Дашт ўғлони” ёдгорлигининг очилиш маросимида иштирок этдилар.

Вилоят ҳокимининг матбуот хизмати.

• Тарихга таъзим

Арис шаҳридаги Ергўбек Маданият уйида “Туркистон тўрида: Қозғистон Мустақиллигига 30 йил ва Элбошининг роли” мавзусида маданий тадбир ўтди.

ҚАЗАҚСТАН
ТӘУЕЛСІЗДІГІНЕ
30
ЖЫЛ

АРИСЛИК ЗИЁЛИЛАР ЯНГИ КИТОБ БИЛАН ТАНИШДИЛАР



Унда ҚР фахрийлар уюшмаси раиси, давлат ва жамоат арбоби Ўмирзақ Ўзғанбаев етакчилигидаги бир гуруҳ зиёлилар ва шаҳар ҳокими Гулжан Қурманбекова иштирок этди.

Учрашувда Ў. Ўзғанбаевнинг “Россия Давлат Думаси ва Қозғистон” номли беш жилдли китобининг тақдими ўтди. Оқсоқол рисолада узоқ йиллар Элбоши Нурсултан Назарбаев билан бирга фаолият юритгани ҳақида баён қилиб, Тўнғич Президент ҳақидаги хотираларини ифодалаган. Муаллиф Қозғистоннинг бош шаҳри, пойтахтини Алматидан Астанага кўчириш борасидаги тарихий қарорига оид маълумотларни келтирган.

Арис шаҳри ҳокими Г. Қурманбекова олимни янги меҳнат маҳсули билан муборакбод этиб, республика фахрийлари кенгаши раиси сифатида олиб бораётган фаолиятини ҳам муносиб баҳолади.

Маданий тадбирдан сўнг меҳмонлар Арис шаҳрида очилган “Фахрийлар маркази” ва “Тенг жамият” ижтимоий маркази фаолияти билан танишишди.

Вилоят ҳокимининг матбуот хизмати.

ЭЛ ТАЯНЧИ – ЭЛБОШИ ТУРКИСТОН ВИЛОЯТИДА ИЮНЬ ОЙИДА 2000 ОИЛАГА ЁРДАМ КЎРСАТИЛДИ

Пандемия даврида аҳоли ижтимоий хавфсизлигини таъминлаш масаласи ҳукуматимизнинг бош вазифаси ҳисобланади. Ижтимоий муҳофазанинг юксак даражасини кафолатлаш, кўп меҳнат қилиш, амалдорлар ва тадбиркорларнинг ижтимоий масъулиятини орттириш зарур.

Президент давлат, жамият ва хусусий шахснинг куч-ғайратини бирлаштириш ижтимоий масъулияти ва ижтимоий ҳамкорлигининг тизимли хусусиятларини мустаҳкамлаш муҳимлигини таъкидлади. Бу стратегик дастурлар ҳамда лойиҳаларни амалга ошириш, пандемия даврида асосий вазифалар ва муаммоларни вақтида ҳал этишда муҳим аҳамиятга эга эканлигини алоҳида таъкидлади.

Давлат раҳбарини қўллаб-қувватлаш мақсадида жорий йилнинг 17 мартда “Халқ” хайрия жамғармаси “Эл таянчи – Элбоши” акциясини ишга туширди, унинг доирасида таркибида ногирон болалари бор кам таъминланган оилаларга озиқ-овқат саватларини бериш кўзланган. Саватда ун, макарон, ўсимлик ёғи, дудланган гўшт, гуруч, чой, конфетлар, яъни 50 килограмм озиқ-овқат мавжуд.

Март ойида “Халқ” хайрия жамғармаси фавқулодда вазият

режими ва карантин чоралари оқибатида молиявий қийинчиликка дуч келган вилоятнинг 2000 нафар кам таъминланган ва кўп болали оилаларга озиқ-овқат савати тарқатилди.

“Халқ” хайрия жамғармасининг иккинчи акцияси жорий йилнинг июнь ойида уюштирилди. Унинг ижтимоий муҳофаза идоралари ногирон болаларни тарбиялаётган 2000 оилга озиқ-овқат савати тарқатилди.

Мамлакатимиз фуқаролари ва бизнес ташкилотларни тадбирда фаол иштирок этиш ва “Эл таянчи – Элбоши” хайрия акциясини қўллаб-қувватлашга чақирамиз.

Мазкур акция ҳамюртларимизнинг бирдамлигини, бир-бирига меҳр-муруватини намоён этди. Эзгу ишда ишбилармонлар, компаниялар фаол қатнашмоқда.

“Халқ” хайрия жамғармасининг ташаббусини мамлакатимизнинг кўнгиллилар ҳаракати ҳам қўллаб-қувватлади. Қозғистон Республикаси Президенти эълон қилган “Кўнгиллилар йили” доирасида улар озиқ-овқат саватларини манзилига етказишда кўмаклашди.

Вилоят ҳокимининг матбуот хизмати.

Мамлакатимизда ҳафта ичида

ҲАРБИЙ СОҲАДА ҲАМКОРЛИК ЯНАДА РИВОЖЛАНАДИ

Қозоғистон ва Ўзбекистон Миллий гвардияси аскарлари қўшма машғулотлар ўтказди

Ўзбекистон Республикаси Миллий гвардияси қўмондони генерал-майор Рустам Жўраев бошчилигидаги делегациянинг хизмат ташрифи якунланди, дея хабар беради Қозоғистон Миллий гвардияси матбуот хизмати.

Қардош республиканинг ҳарбий делегацияси Қозоғистон Республикаси Миллий гвардияси олий қўмондонлигида учрашув ўтказиб, брифинг ташкил қилди.

ҚР Миллий Гвардияси Бош қўмондони генерал-лейтенант Руслан Жақселиқов меҳмонларга ҳарбий тузилма, амалга оширилаётган тадбирлар ва соҳанинг истиқболлари ҳақида батафсил маълумот берди. Бундан ташқари, жамоат хавфсизлиги ва ҳуқуқни муҳофаза қилиш соҳасидаги қўшма машғулотлар каби масалалар муҳокама қилинди.

Учрашувда делегация раҳбари генерал-майор Рустам Жўраев Қозоғистон-Ўзбекистон муносабатлари чуқур тарихий илдизларга ва умумий маънавий қадриятларга эга бўлган халқларимизнинг дўстлиги ва биродарлиги билан мустақамланиб бораётганини таъкидлади.



– Биз стратегик шериклик ва иттифоқчилик муносабатларимизни аниқ амалий мазмун билан тўлдириш нўқтаи назаридан Қозоғистон билан икки томонлама алоқаларни янада чуқурлаштиришдан манфаатдоримиз. Шу билан бирга, Ўзбекистон мудофаа ва минтақавий хавфсизлик соҳасида Қозоғистон билан ҳам ҳар томонлама ҳамкорликни янада кенгайтиришдан манфаатдор эканлигини таъкидламоқчиман, – деди Р. Жўраев.

Нур-Султан шаҳрига ташрифи давомида ўзбекистонлик ҳарбийлар Қозоғистон Республикаси Миллий гвардиясининг пойтахтдаги тезкор бригадасига ташриф буюришди. Меҳмонларга ҳарбий лагернинг инфратузилмаси, ҳарбий техника ва қурол-яроғ намуналари ҳамда бошқа иншоотлар намойиш этилди.

Делегациянинг хизмат ташрифи Алматыда якунланди. Ўзбекистонлик аскарлар Ички ишлар вазирлиги ва Миллий гвардия махсус кучларининг жанговар-услубий тайёргарлиги маркази имкониятлари билан танишдилар. Ташриф давомида Қозоғистон Республикаси Миллий гвардияси ҳарбий институти ва Ўзбекистон Республикаси Миллий гвардияси ҳарбий-техник институти ўртасида ҳамкорлик тўғрисида Меморандум тузиш масаласи муҳокама қилинди.

ИСТИҚБОЛЛИ МАҚСАДЛАР, САМАРАЛИ УЧРАШУВЛАР

Ахборот ва ижтимоий тараққиёт вазири БМТнинг Қозоғистондаги доимий вакили билан учрашди

Қозоғистон Ахборот ва ижтимоий тараққиёт вазири Аида Балаева БМТнинг Қозоғистондаги доимий вакили Микаэла Фриберг-Стори билан учрашди. Бу ҳақда вазирликнинг матбуот хизмати хабар берди.

нинг қатор долзарб муаммоларини ҳал этиш вазифаси турибди. Айни вақтда, атроф-муҳитни космосдан кузатиш лойиҳаси рўёбга чиқарилди. Бу эса қишлоқ хўжалиги мақсадидаги ерлардан самарали фойдаланиш имкониятини



Сўхбат давомида А. Балаева БМТнинг Қозоғистондаги доимий вакилига вазирлик томонидан назорат қилинадиган йўналишларда амалга оширилаётган ишлар тўғрисида маълумот берди. Ўз навбатида, Микаэла Фриберг-Стори вазирлик фаолиятига юксак баҳо берди ва БМТнинг 27 агентлиги номидан ҳамкорлик лойиҳаларни қўллаб-қувватлашга тайёргарлиги маълум қилди.

Аида Балаева БМТ вакилига Ижтимоий ишонч миллий кенгаши ҳақида ҳам муфассал ахборот берди.

– Миллий кенгаш тингловчи давлат тамойили асосида ишлашда давом этади, – деди у. – Олдинда жамият-

беради. Шунингдек, вазир ишлатилмай ётган 7 миллион гектар яйлов давлатга қайтарилганини ҳам тилга олди. Ижтимоий ишонч миллий кенгаши Қозоғистон жамиятида фикрлаш эркинлиги ва фикрлар хилма-хиллигига чекловлар йўқлигини кўрсатди.

Шунингдек, у Қозоғистон БМТга аъзо бўлганлигининг 30 йиллигини нишонлашга тайёргарлик ҳақида ахборот берди.

Учрашув якунлари бўйича томонлар самарали ҳамкорлик қилиш, шу жумладан қўшма лойиҳаларни амалга оширишга келишиб олдилар.

Қозоғистон ва Туркия аэрокосмик ҳамкорлик масалаларини муҳокама қилдилар



Қозоғистон Бош вазирининг ўринбосари – Ташқи ишлар вазири Мухтар Тлеуберди «Turkish Aerospace Industries» (TAI) аэрокосмос ва мудофаа-саноат компанияси бош директори Темел Ковтил билан учрашди, дея хабар беради Қозоғистон Ташқи ишлар вазирлиги матбуот хизмати.

Томонлар Қозоғистон ва TAI ўртасидаги ҳамкорлик истиқболларини, шу жумладан, компаниянинг машинасозлик, саноат ва аэрокосмос соҳаларидаги лойиҳаларида

иштирок этишини, шунингдек, қўшма ишлаб чиқариш ва инновациявий технологиялар майдонини ташкил этиш имкониятларини муҳокама қилдилар.

Т. Ковтил қўшма сармоявий лойиҳаларни амалга ошириш имкониятларини таъкидлаб, икки томонлама ҳамкорликнинг истиқболларига тўхталди. Учрашув якунлари бўйича самарали ҳамкорликни давом эттириш юзасидан келишувга эришилди.

TAI – махсус интеграциялашган тизимларини лойи-

ҳалаш, тайёрлаш ва ишлаб чиқариш билан шуғулланган етакчи турк аэрокосмик компанияси. Компания ноёб ускуналарни ишлаб чиқарувчи йирик халқаро компаниялар учун ишлаб чиқариш майдончасидир ва 5та асосий бизнес йўналишида фаолият юритади: самолётлар, вертолётлар, учувчисиз ҳаво воситалари, космик тизимлар, аэротузилмалар.

Қозоғистон ва жаҳон ахборот агентликлари маълумотлари асосида.

Қозоғистон ИИВ ва Ўзбекистон Миллий гвардияси ҳамкорлик тўғрисида битим имзолади



Қозоғистон Ички ишлар вазири Ерлан Турғумбаев Қозоғистон Республикаси Миллий гвардиясига хизмат сафари билан келган Ўзбекистон Республикаси Миллий гвардияси қўмондони Рустам Жўраев билан учрашди.

ҚР Ички ишлар вазирлиги матбуот хизматининг хабар беришича, учрашувда идоралараро ҳамкорликнинг долзарб масалалари ҳамда уларни янада ривожлантириш имкониятлари муҳокама қилинди.

Қозоғистон Ички ишлар вазирлиги ва Ўзбекистон Миллий гвардияси ўртасида ҳамкорлик тўғрисидаги битим имзоланди. Ушбу халқаро шартнома икки идора ўртасида жамоат тартиби ва хавфсизлигини таъминлаш, терроризмга қарши операциялар, шунингдек, кадрлар тайёрлаш соҳасида ҳуқуқий асос бўлади.

Томонлар келишув икки томонлама ҳамкорликка янги туртки беришига ишонч билдирди.

ЗАВҚЛИ МЕҲНАТ СУРУРИ



Жорий йилда “Жанубий Қозоғистон” вилоят ижтимоий-сиёсий газетаси 30 йиллигини нишонламоқда. Нафақат таҳририят жамоасининг, балки барча газетхонларимиз, жонкуярларимиз, 12 мингдан зиёд обуначиларимиздан миннатдоримиз. Уларнинг сафини кенгайтиришда, обунани уюштиришда тадбиркорлар, фидойиларимиз, заковатли ёшлар ва нафақадорлар, халқ ноиблари фаоллик кўрсатишмоқда. Газетамизни севиб мутолаа қилувчилар, таҳририятимизга сим қоқиб, ўз мулоҳазаларини билдириб, муаммолари билан мурожаат қилаётган юртдошларимиз кўп.



Обунада фидойилик кўрсатаётган ҳамюртларимиздан бири мамлакатимиздаги йирик тадбиркор Нурали Абишев. Нурали Алмаханули еттинчи чақириқ Туркистон вилоят маслаҳатининг депутаты ва вилоят маслаҳатининг аграр соҳа, ер муносабатлари ва табиатдан фойдаланиш масалалари бўйича доимий комиссиясининг раиси.

Нурали оға халқ ноиб сифатида вилоятнинг ижтимоий-иқтисодий тарақиёти йўлида залворли ишларни амалга оширмоқда. Айни дамда “АГРО-V”, “Берте-Милка” МЧБларнинг директори. Ёдингизда бўлса, 2018 йили Элбоши Нурсултан Назарбаев Қозоғистон халқига йўллаган Мактубида вилоятимиздаги

“Берте-Милка” компаниясининг ютуқларига алоҳида тўхталган эди: “2022 йилга келиб қишлоқ хўжалигининг қайта ишланган маҳсулотлари экспортини ва меҳнат унумдорлигини 2,5 баравар ошириш асосий вазифа. Туркистон вилоятида “Берте-Милка” МЧБ янги замонавий технологиялардан фойдаланиш туфайли меҳнат унумдорлигини 2 баравар оширишга муваффақ бўлди”, – деган эди учрашув чоғида Н. Назарбаев.

Бу билан Элбоши ишбилармон депутат фаолиятига юксак баҳо берганди. Н. Абишев қишлоқ хўжалиги, мамлакатимиз иқтисодиёти равнақига қўшган улкан ҳиссаси учун “Қўрмет” ва “Парасат” орденлари билан тақдирланган.



Н. Абишев ўз сайловчилари билан учрашиб, муаммоларини ҳал этишда фаоллик кўрсатиб келмоқда. Вилоят депутатидан ёрдам сўраб келган ҳамюртимиз борки, мурожаати эътиборсиз

қолмайди. У савоби мўл, хайрли ишлари билан элга танилиб улгурган фидойи инсон. Халқ ноибининг тизимли турда ўтказётган хайрия тадбирлари мўл, эҳтиёжманд кишилардан

саховатини аямайди. Нурали Алмаханули газетамизга ҳам обунани уюштириб, уларни кам таъминланган оилаларга бепул тарқатишда жонбозлик кўрсатяпти.

Бугун завқли меҳнат суруридан сармаст фидойи жонкуяримизнинг таваллуд айёми. Саховатпеша ишбилармоннинг саъй-ҳаракати туфайли 20дан зиёд хонадон “Жанубий Қозоғистон”ни доимий равишда мутолаа қилиш бахтига муяссар бўляпти. Нурали Алмаханулини таваллуд айёми билан кутлар эканмиз, унга сиҳат-саломатлик, ишларида зафарлар тилаймиз. Миллатлараро муносабатларни мустаҳкамлашга қўшаётган ҳиссасини юксак баҳолаймиз.

Мунира САЪДУЛЛАЕВА.

● Обуначиларимиз орасида

“БИРЛИК” ДОИМ ГАВЖУМ

Туркистон шахрининг ибратли фуқароси, тадбиркор, жамоатчи-обуначимиз Худойберган Холматовнинг “Бирлик” чойхонасида.

Олтмиш олти ёшни қаршилаётган Худойберган ака узоқ йиллар Туркистон йўловчиларни ташиш автокорхонасида пешқадам ҳайдовчи сифатида самарали меҳнат қилди. Мукофотлар билан тақдирланди. Одамларнинг узоғини яқин, оғирини енгил қиладиган тажрибали ҳайдовчи учун энг юксак мукофот эса – йўловчиларнинг миннатдорчилиги. Вилоят маслаҳатининг солиқ депутати, газетамиз жонкуяри, “Жолаушы” МЧБ асосчиси Рахим Танирбергенов 3 йил муқаддам, пайғамбар ёшига тўлиши муносабати билан ёзилган дастурхонда дўсти Худойберган Зиёш ўғли ўзининг кўп йиллик кадрдон ҳамкасби эканлигини фахр билан таъкидлаб, ўринбосари Аваз Айметов билан бирга эҳтиром билан унинг кифтига тўн ёпган эди.

Худойберган Зиёш ўғли оиласи, фарзандлари билан “Нилуфар”, “Бирлик” тамаддиҳоналарини очиб, мижозлар таҳсинига сазовор бўлди. Ҳозир “Бирлик” тамаддиҳонасининг ёзги қисми ҳам мижозларга хизмат кўрсатмоқда. Хўрандалар бу ерда овқатланиб, ҳордиқ чиқаради. Жазирамада тонг шудринги каби пуркалаётган салқин сув дилга ором бахш этади. Шаршаралар манзараси акс этган экран эса асаби чарчаган мижозлар учун ўзига хос муолажа.



– Бугун эрталаб отам ўрнида ота, кадрдон акам Эркин Қолиббетов келиб биринчи бўлиб таваллуд куним билан муборакбод этди. Кўнглим тоғдек ўсди. Кўп йил транспорт соҳасида меҳнат қилдим. Мустақиллик йилларида хусусий тадбиркорлик билан шўғулландим. Туркистонимиз вилоят туризм, зиёрат маркази мақомига эга бўлди. Қадим ва навқирон шахримиз туркий оламнинг маънавий пойтахти бўлгани эса ҳар бир фуқаронинг қалбида ғурур ҳиссини уйғотиб, юксак масъулият юклайди. Туркистонга келаётган сайёҳлар, меҳмонлар ва зиёратчиларни сифатли таом билан таъминлаш эса бош мақсадимиз, – дейди Худойберган Зиёш ўғли.

Худойберган ака умр йўлдоши, жорий йили пайғамбар ёшини қаршилаётган Раҳбар Амин қизи билан қобил фарзандлар – Алишер, Шухрат, Абдумуталлиб, Анвар, Акмалларни тарбиялаб, келинлари Се-

вара, Шаҳноза, Нигора, Гулноз, Шаҳзодалар уларнинг иззату хизматида, 18 нафар шириншакар неваралар даврасида умргузаронлик қилишмоқда.

Фарзандлари – тадбиркорлик касбини танлашган, Туркистон шахри равнақига ҳалол меҳнати билан муносиб ҳисса қўшиб келишмоқда.

Худойберган аканинг умр йўлдоши Раҳбар Амин қизи фарзандлари, шу даргоҳда меҳнат қилаётган аҳил жамоа номидан умр йўлдоши, Худойберган Зиёш ўғлини олтмиш олти ёши муносабати билан самимий муборакбод этади.

“Жанубий Қозоғистон” вилоят ижтимоий-сиёсий газетаси таҳририяти ҳам Худойберган акага энг самимий тилақларини йўллаб, тадбиркорлик соҳасидаги фаолиятига муваффақиятлар тилаб қолади.

Ш. МАДАЛИЕВ.
Муаллиф тасвири.

● Хушхабар

ДАВРОНЖОН ҒОИПОВ – УНИВЕРСИТЕТ РЕКТОРИ

2021 йил 1 июлдан эътиборан Туркистон шахрининг муносиб фарзанди, истеъдодли олим Давронжон Эркин ўғли Ғоипов Алматидаги Сулеймен Демирел номидаги университет ректори этиб тайинланди.

Давронжон Ғоипов Собир Рахимов номли ўрта мактабни аълога тамомлаб, А. Яссавий номидаги Халқаро қозоқ-турк университетининг инглиз тили факультетини, Алматидаги Аблайхан номидаги Қозоғистон Халқаро муносабатлар жаҳон тиллари университетининг магистратурасини ҳамда Евроосиё Гуманитар институтининг докторантурасини муваффақиятли тамомлаган.

Кембриж университетининг педагогика факультетида илмий амалиётдан ўтган. “Болашақ” дастурининг вакили. 2009 йилдан эътиборан Алматидаги Сулеймен Демирел номидаги университетда турли илмий унвонларда самарали фаолият юритди. 2017 йилдан буён маз-



кур университетда академик ишлар ҳамда илмий тадқиқотлар бўйича проректор бўлиб ишлади. Оилали. Тўрт фарзанднинг отаси.

Ушбу хушхабар муносабати билан ректорнинг ота-онаси, доимий обуначиларимиз, олий тоифали шифокорлар Эркин ҳамда Зайтуна Ғоиповларни иқтидорли фарзандлари эришган юксак зафар билан самимий муборакбод этамиз.

Ш. МАДАЛИЕВ.

ЯНГИ КОРХОНА ИШ БОШЛАДИ

Вилоят марказида минерал сув маҳсулотларини ишлаб чиқарадиган “Яссауи су” корхонаси ишга туширилди.

Корхонада ишлаб чиқариладиган ичимли сувни нафақат чанқовбосди сифатида, даволовчи восита сифатида ҳам қўллаш мумкин. Сув таркибида инсон саломатлигига фойдали гидрокарбонат, сульфат, фтор, натрий, кальций, магний сингари моддалар мавжуд. 820 метр чуқурликдан олинаётган сувда Алмати шахридаги Кардиожароҳилик марказининг хулосасига кўра минерал сувнинг шифобахшлиги тақдирланган. Шифобахш сув шахардаги савдо марказларида ва дўконларида сотилмоқда.

Туркистон шахар ҳокимининг матбуот хизмати.

ГУЛ-ГУЛ ОЧИЛГАН БҮСТОНЛАРИМ БОР...

ЭЛБОШИ ТАШАББУСИ БИЛАН МИНГЛАБ ГЕКТАР ЯНГИ БОҒЛАР ЯРАТИЛДИ

ҚР Мустақиллигининг 30 йиллиги доирасида Пойтахт куни муносабати билан Саврон тумани Эски Иқон қишлоғида йирик тадбиркор, собиқ ҳоким, вилоят маслаҳатининг собиқ депутати, газетамизнинг доимий жамоатчи обуначиси ва жонқуяри Дониш Маннотов ташаббуси билан “Туркистон – туркий оламнинг маънавий пойтахти” мавзуда ўз шонли тарихига эга еттита боғнинг тантанали очилишига бағишланган тадбир ўтди.



Эрталаб саҳарда Туркистондаги “Олтин ўрда” шохбекатидан Саврон туманининг Жибек жўли қишлоғига мустақилликнинг осон кечмаган илк йилларида қишлоқ хўжалиги соҳасида тер тўкиб, самарали меҳнат қилган, бугунда нафақадаги меҳнат фахрийлари махсус автомашиналарда йўлга чиқшди.

Қишлоқнинг ҳосилдор заминидан “Сейиткамал ата” боғи очилди. Меҳнат фахрийси Сейиткамал ота Эски Иқонга – Дониш Маннотовга мурожаат этиб, Жибек жўли қишлоғидаги ҳосилдор ерларда деҳқончи-



лик, боғдорчилик билан шуғулланишни таклиф этганидан сўнг бу ерда махсус қудуқлар қазилиб, мевали дарахт кўчатлари ўтқазилди. Сейиткамал ота дунёдан ўтган бўлса ҳам, унинг фарзанди, 52 ёшдаги тадбиркор деҳқон Ерғаш Сейиткамалули 100 гектардан зиёд майдонда боғ яратиб, полиз маҳсулотларидан мўл ҳосил олаётганлигини фахр билан таъкидлади. Навбатдаги боғлар Эски Иқон қишлоғи ҳудудидан “Музаффар ота”, Дониш аканинг фронтчи амакиси “Абдувоҳид ота”, устозликни эъзозлаган падари бузруквори “Дадаш ота”, шифокор, туман аскиячилар жамоаси сардори Эргаш Маннотовга бағишланган “Эргаш ота” номидаги боғларнинг ҳар бирининг тарихини Дониш Маннотов таърифлаб берди, фронтда уйига хат ёзиб, Иқон қовунини соғинган аскар жангчи амакиси Абдувоҳид ота Берлин остонасида ҳалок бўлганини айтди.

Дастурхонга Иқонда етиштирилган сархил қовунлар тортилиб Абдувоҳид отанинг орзу-армони ушалгандек бўлди, гўё. Шифокорларга бағишланган “Эргаш ота” боғида марҳум Эргаш Маннотовнинг ўғли Отамурод меҳмонларга мезбонлик қилди. Шимкент шаҳрининг Сайрам даҳасидан ташриф буюрган Турсунхўжа Хонхўжаевнинг (Сайрам тумани аскиячилар жамоаси сардори) иштироки ҳам Эргаш Маннотов хотирасига эҳтирдир. Эргаш Дадаш ўғлининг аскиячилик иқтидорини фақат ўзбеклар эмас, қозоқ биродар-

лар ҳам яхши билиб қадрлашар экан. Республикада таниқли “Тамаша” кўрсатуви ташкилотчиси Қудайберген Султанбаев Эргаш Маннотов аскияларини завқ билан тинглагани, кўп марта Иқон қишлоғида меҳмон бўлганининг ўзи шонли тарих.

Ҳар бир боғ – ўзига хос тарих. Тадбирнинг асосий қисми – Элбоши Н. Назарбаев 1995 йили апрель ойида Иқонга ташрифи чоғида ўз қўллари билан ўтқазган, кейинчалик боғга айланган “Туркистон – туркий оламнинг маънавий пойтахти” боғининг тантанали очилиши билан боғлиқ бўлди. Элбоши ўтқазган кўчат бугун мевали дарахтга айланиб, ҳосил бермоқда. Шу ташаббусдан сўнг ўтган вақт ораллиғида қишлоқда 2000 гектардан зиёд майдонда янги боғлар барпо этилди. Вилоят ҳокими Ўмирзақ Шўкеев 2005-2007 йиллар ораллиғида шу ерда боғдорчиликни ривожлантириш юзасидан махсус семинар ўтказиб, кўплаб янги боғлар бунёд этилди.

Тантанали тадбирни Саврон тумани ҳокими Ғани Қурмушули Рисбеков табрик нутқи билан очиб, барчани муборакбод этди.

– Ҳурматли савронликлар, иқонликлар, туркистонликлар, қадрли меҳмонлар! Мустақилликнинг дастлабки йилларида Туркистон шаҳар ҳокимлигида меҳнат фаолиятини бош мухтаassis сифатида бошлаган эдим. Жорий йил 22 апрелда Президентимиз Қ. Тўқаев Фармони билан ташкил этилган Саврон тумани ҳокими лавозимига тайинландим. Бу тадбирда қатнашаётган бар-

ча иштирокчилар – меҳнат фахрийларини яхши танийман ва қадрлайман. Ҳар бири ўз соҳасида бунёдкорликка, улғу ишларга, мустақиллик йилларида Қозғалар қишлоғида меҳмон бўлганининг ўзи шонли тарих. Баҳодир Ҳабибуллаев, Эргаш Диметов, Сотиболди Қарпиқбаев каби оғаларимиз шулар жумласидан. Бугунги тадбиримиз ташкилотчиси, вилоятимизга таниқли тадбиркор Дониш Маннотовни барча яхши билди. 1995 йил баҳорда Элбоши Н. Назарбаев Иқонга ташриф буюриб, Дониш аканинг оғаси Эргаш, укаси Бобоҳон билан яратган Туркистон дарвозаси мажмуаси билан танишиб, мевали дарахт кўчатини ўтқазди. Фахрий меҳмонлар китобига имзо чекди. Ўтган давр мобайнида Элбошининг бунёдкорлик режалари ҳаётийлигини исботлаб, амалда рўйбга ошди. Бунга барчамиз гувоҳ бўлдик.

Туман ҳокими Ғ. Рисбековнинг самимий табригини туман маслаҳати котиби Мейрамбек Кунпейисов, маориф соҳаси меҳнат фахрийси Айниддин Абубакировлар давом эттириб, Элбошимизнинг оқилона ва одилона сиёсати Қозғалар равнақининг асоси эканлигини таъкидладилар.

“Туркистон – туркий оламнинг маънавий пойтахти” боғининг тантанали очилиш маросимида рамзий тасмани туман ҳокими Ғани Рисбеков, маслаҳат котиби Мейрамбек Кунпейисов, меҳнат фахрийлари Айниддин Абубакиров, Баҳодир Ҳабибуллаев, Эргаш Диметов ва бошқалар қирқшди

– Бу боғларга ном берилиши

бежиз эмас, – деди тадбир ташкилотчиси Дониш Маннотов. Келажакда бу ерда Туркистонга келаятган зиёратчи ва сайёҳлар учун дам олиш, ҳордиқ масканлари барпо этилиб, Туркистоннинг юксак мақоми амалий ишлар билан тасдиқланиши учун ҳар бир туркистонлик ўз ҳиссасини қўшиши керак. Пойтахт шаҳар – Нур-Султандан ташриф буюрган мухтаassisлар махсус фильмни тасвирга олишмоқда. Боғларда кўчатлар ўтқазилиб, ҳосилга киргунча оралиқ майдонда сабзавот, полиз маҳсулотлари етиштирилади. Ҳозирги долзарб вазифа – бир майдондан бир неча ҳосил олиш вазифаси ҳам амалга ошади.

Меҳмонлар, шунингдек, ўтган йили декабрь ойида Қавмиддин Ат Итқоний хотирасига бағишланган тадбирда тантанали очилган боғни ҳам кўздан кечириб, танишдилар. Боғ соҳиби Умиджон Дониш ўғли.

Мазкур тадбирда Саврон тумани ҳокимлиги масъул ходимлари, Эски Иқон қишлоғи ҳокими Дилшод Саидов, Янги Иқон қишлоғи ҳокими вазифасини бажарувчи Тойир Абдаев, доимий обуначиларимиз Тўлқин Саидмуродов, Баҳодир Ҳабибуллаев, Тўхтапўлат Тилеулиев, Сайдолим Йўлдошев, Райимжон Қўчқоров, Бобоҳон Маннотов, Олим Маннотов, вилоят, шаҳар, туман ОАВ вакиллари иштирок этишди.

Ш. МАДАЛИЕВ.

Суратларда: тарихий лаҳзалар ва тадбирдан лавҳалар.

Муаллиф тасвирлари.

P.S. 2021 йил – Қозғалар Мустақиллигининг 30 йиллиги, вилоятимизнинг 3 йиллиги, Туркистон – туркий оламнинг маънавий пойтахти мақомига эга бўлган ўзгача йил. Ҳар бир қутлуғ сана Элбошимиз, Тўнғич Президентимиз Нурсултан Назарбаевнинг самарали фаолияти, бунёдкорлик режалари билан чамбарчас боғлиқ. Хусусан, Эски Иқон қишлоғида, вилоятимизнинг бошқа ҳудудларида қишлоқ хўжалигида эришилган салмоқли ютуқлар шулар жумласидан. Тадбир иштирокчилари, меҳмонлар Дониш Маннотовга ишларида омад, мустақам саломатлик, янги зафарлар тилашди. 90 ёш билан юзлашиш учун шаҳдам одимлаётган нуруний отахон-шоир Айниддин Абубакиров Мустақиллигимиз меваси бўлган Саврон тумани равнақига бағишлаб “Яшнайвер, Саврон!” шеърини ёзган экан. Уни эътиборингизга ҳавола қиламиз.

Уламою хонларни
Дунёга беран Саврон.
Олға боссин доимо
У сурсин энди даврон.
Савроннинг бахти чопиб,
Қайтадан бўлди туман.
Саврон гуллаб-яшнайдди,
Бунга ҳеч йўқдир гумон.
Ғани Савронга ҳоким,
Имкон топдида ишди.
Куч-қувватни аямас,
Халққа хизмат қилишга.
Ишонимиз, биз унга,
Яқиндир у халқига.
Раҳмат айтсин, ҳокимга,
Фидойий хизматига.
Туркистон ҳамда Саврон
Ака-ука, қариндош.
Улар бегона эмас,
Қадим замондан йўлдош.
Гуллаб-яшнамоқ даври,
Келди Савронга навбат.
Узоқни кўра билган,
Элбошига кўп раҳмат!
Замонамиз ўзгариб,
Келди бошга янги уй.
Саврон деган туманда,
Ўтаётир ҳар кун тўй!